

Band XI., Nr. 5401, Seite 347

*Fünf Brüder von Kürnbach beurkunden die Beilegung ihres Streits mit
Kloster Schussenried wegen einiger Güter.*

Ohne Ortsangabe, 1300. Ohne Tagesangabe.

Wir C, Ulrich, Bure, H., Rū. gebröder von Kürnbach tōgin kunt allen den die disen brief lesent oder hörent lesen, daz wir becregtun daz closter und die samenuge ze Schuzenriet und sprachen also, daz Truzen lechen bröder Ulrichs lechon und swester Eggelun lechen und ain holz daz da haiset der Kilchsach, daz diu gūt unser soltin sin und unserm veterren bröder Ulrich von Kürnbach, dar umbe daz wir wandun, daz diu ägenschaft dem kloster nit wæri geverteget als recht waz. Do dirre crik ze rede und ze tågedinge kon, do wrden wir des bewiset, daz bröder Ulrich salige unser vetter mit dem geerten herren von Wartenberk der vor gescribener gūte aigenschaft dem kloster ze Schuzenriet verteget als er solt. Wir verjegin och daz aller der crik den wir hetun gen dem kloster, daz wir den abe [liezen] und da von stunden in selcher gedingede, daz wir von dem vor genemmetem kloster ieder man sunderlich zechen [schilli]ng phenninge inphiengen, die uns mit tagedingen wrden geschaiden. Wir geluptun och daz das [wir der burger von] Sulgen brief und insigel uber dise sache sulin gen und gewinnen ze ainer sicherait und vestenunge. Wir der rat und die burger von Sulgen verjechin an disem brief, daz alles, daz der brief da vor hat, daz daz ist ain warehait und die von Kürnbach des verjachtet vor uns, als der brief da vor hait, und baten uns daz wir unsern brief und unser insigel ze ainer vestenunge gabin ũber die selbun sache. Dar umme so geben wir dem kloster ze Schuzenriet als wir sigin gebetten von baiden tålen, daz ist von Kürbachern uid von der samenuge von Schuzenriet, disen brief mit unserm insigel gevestent ze ainem ewigen urkunde unde ze āner stæter sicherhait.

 Do dis beschach, do was von gottes gebiurtlichem tage tiuzent und driu hundert jar.

—

Textabdruck folgt dem Original.

 Rest des abhangenden Siegels.

Überlieferung und Publikationen

Lagerort:

HStA Stuttgart

Signatur/Titel des Originals:

B 505 U 796

Weitere Angaben

Sprache:

Deutsch

Ausstellungsort:

Ohne Ortsangabe

Aussteller:

C.; von Kürnbach Ulrich; von Kürnbach Bure; von Kürnbach H.; von Kürnbach Ru.; von Kürnbach

Ortsindex:

Bad Saulgau Wohnplatz (21324)
 Bad Schussenried Wohnplatz (17071)
 Bad Schussenried, BC
 Kürnbach Wohnplatz (17079)
 Kürnbach, Bad Schussenried, BC
 Saulgau, Bad Saulgau, SIG
 Wartenberg Wohnplatz (14073)
 Wartenberg, Geisingen, TUT